

四庫全書

子部

欽定四庫全書

子部

薛氏醫案卷六十六

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官庶吉士臣吳裕德

謄錄監生臣蔣傳馨

欽定四庫全書

薛氏醫案卷六十六

明薛己訂

保嬰撮要十一

喉痺

附五臟虛羸傳變喉間內潰或  
鼻中無出息內或鼻外患瘡

一小兒喉痺因高粱積熱或稟賦有熱或乳母七情之  
火飲食之毒當分其邪蓄表裏與症之輕重經之所主  
而治之若左腮色青赤者肝膽經風熱也用柴胡梔子

散右腮色赤者肝經有熱也用瀉白散額間色赤者心  
與小腸經熱也用導赤散若兼青色風熱相搏也用加  
味逍遙散鼻間色黃脾胃間有熱也用瀉黃散若兼青  
色木乘土位也用加味逍遙散兼赤色心傳土位也用  
柴胡梔子散頰間色赤腎經有熱也用地黃丸凡此積  
熱內蘊二便不通者當疏利之風邪外客而發寒熱者  
當發散之外感風邪大便閉結煩渴痰盛者當內疏外  
解若因乳母膏粱積熱者母服東垣清胃散若因乳母

恚怒肝火者母服逍遙散稟賦陰虛者兒服地黃丸大  
概當用輕和之劑以治其本切不可用峻利之藥以傷  
真氣也

一小兒喉間腫痛驚悸飲水服驚風降火之藥益甚仍  
欲攻風痰余曰驚悸飲水心經虛症也蓋胃為五臟之  
本先用五味異功散以補胃加桔梗甘草以消毒諸症  
頓退後用牛蒡子湯加柴胡而愈

一小兒喉間腫痛左腮色青赤此心肝二經之熱也用

柴胡清肝散而愈後因驚服至寶丹吐痰發搐手足指  
冷此肝木虛而肺金乘之用補中益氣湯以補脾肺六  
味地黄丸以滋肝腎而痊

一小兒發熱飲冷大便黃色手足並熱不能吮乳視口  
內無患捫其喉間則哭此喉內作痛乃脾胃實熱也用  
瀉黃清胃二散各一劑母子並服而愈後因乳母飲酒  
兒躁不安口內流涎仍用前二散而愈

一小兒喉間腫痛口角流涎手足並熱用瀉黃清胃二

散母子服之而愈後因母大怒兒憎寒發熱仍復流涎用柴胡清肝散加漏蘆母子服之而愈

一小兒喉間腫痛發熱咳嗽大便秘結此肺與大腸有熱也先用牛蒡子湯加硝黃一服大便隨通乃去硝黃再劑頓愈審其母有肝火發熱用柴胡清肝散母子並服而痊

一小兒嗜膏粱之味喉間腫痛痰涎壅盛服已豆九前症益甚口鼻出血唇舌生瘡大便不實余用犀角地黃

湯解膏梁之熱用東垣安胃散解巴豆之毒又用甘桔湯而愈

一小兒喉腫作渴大便乾實右腮赤色此肺與大腸經實熱也用柴胡飲子一服而愈後因飲食停滯服峻厲之藥喉間仍腫腹中脹痛此脾氣復傷也用異功散加升麻當歸而痊

一小兒因母忿怒患前症兼咬牙呵欠余謂肝經虛熱之症子用甘桔湯加柴胡山梔牛蒡子母服加味道遙



散而愈

一小兒肌體瘦弱嗜土炭煤灰後鼻間不利略服清熱之劑肌體愈瘦食少熱甚善驚善怒小便良久變白鼻中出息肉二寸許耳下頸間結小核隱於筋肉之間余謂肝脾虛羸之變症不信乃內清肺火外用腐蝕喉間亦腐余先用五味異功散加升麻柴胡蕪荑為主更用四味肥兒丸為佐脾氣漸健夕用九味蘆薈丸為主以五味異功散為佐而愈

一女子六歲喉間腫痛鼻中息肉寒熱往來小便頻數  
良久變白此肝疳之症先用加味道遙散加炒黑焦龍  
膽草熱痒漸退乃去龍膽草佐以四味肥兒丸而愈

一女子七歲鼻生息肉搽攻毒之藥成瘡腫痛外以黃  
連甘草黃柏末傅之以解藥毒更以加味道遙散清肝  
火佐以四味肥兒丸而愈

一女子鼻中及下部常出息肉屢用毒藥蝕之各挺出  
一條三寸許先與龍膽草湯為主以加味道遙散為主

而愈

一小兒額間赤足心熱喉中常痛服清胃敗毒之藥余謂稟腎水不足而心火熾甚也當用地黃丸壯水之主以制陽光不悟口舌赤裂小便如淋而歿

一女子十四歲患前症雜用清熱敗毒等藥前症益甚更患陰挺詳見下疳瘡

牛蒡子湯 治風熱上壅咽喉腫痛或生乳蛾

牛蒡子炒 升麻 桔梗炒 犀角鎔 黃芩

枳

木通 甘草

各等分

右每服一二錢水煎服

拔萃桔梗湯 治熱腫喉痺

桔梗

炒

甘草

炒

連翹

梔子

炒

薄荷

黃芩

各等分

右為末每服一二錢水煎服

柴胡飲 解肌熱積熱或汗後餘熱脉洪實弦數大便

堅實者

黃芩

七分

甘草

四分

大黃

八分

芍藥

炒七分

柴胡

人參

各五分

分  
當歸一錢

右每服一錢薑水煎

東垣人參安胃散治脾胃虛熱口舌生瘡或傷熱乳食  
嘔吐瀉痢

人參一錢 黃芪炒二錢 生甘草 炙甘草各五分 白茯苓

四分 陳皮三分 黃連炒二分 白芍藥酒炒七分

右為末每服二錢水煎

三因玉鑰匙治風熱喉閉及纏喉風

焰硝

一兩半

鵬硝

兩半

片腦

一字

白殭蠶

一錢

右研勻用五分吹入喉中立愈

九味蘆薈丸治肝經積熱咽喉口舌生瘡或牙齦蝕爛  
兩目生翳耳中出水或肝積癰癥下疳陰腫或莖出  
白津拗中結核或小水良久變白大便不調肢體消  
瘦等症

胡黃連 宣黃連 蘆薈 木香 白蕪荑炒青

皮 白雷丸 鶴虱草各一兩 麝香三錢

右各另為末米糊丸麻子大每服五分空心米湯下  
仍量兒大小用

甘桔湯治風熱上攻咽喉疼痛及喉痺妨悶

桔梗一兩甘草炒二兩

右每服二錢水煎

濟生犀角地黃湯治膏粱積毒脾胃有熱咽喉腫痛或

口舌生瘡

犀角 牡丹皮

各一兩

生地黃

八錢

赤芍藥

七錢

右每服一二錢水煎

五味異功散

方見敗毒之藥

六味地黄丸

方見作渴不止

柴胡清肝散

方見脇癰即柴胡梔子散

補中益氣湯

方見肌肉不生

瀉黃散

方見頭面瘡

腮癰

附耳症

腮屬足陽明胃經其生癰者多因兒食甘甜味肥



胃積熱所致亦有乳母鬱怒兒受其患者若因熱積於  
內二便不通者用涼膈散風邪相搏二便如常者用漏  
蘆湯胃經風熱或兼咽喉腫痛用升麻防風湯若稟賦  
陰虛火動頰間或兩耳內生瘡或出膿不止者宜用地  
黃丸若因乳母肝火乘脾用加味逍遙散脾經鬱熱用  
加味歸脾湯膏粱積熱用東垣清胃散脾胃風熱用清  
咽利膈湯仍叅口瘡治之

一小兒腮腫肉色不變大便不實屬胃經虛熱用五味

異功散加升麻柴胡而愈又乳母飲酒兼怒兩腮赤腫  
憎寒發熱用加味清胃散二劑加味逍遙散一劑治其  
母兒亦飲數滴而愈

一小兒嗜炙烤腮腫發熱作渴飲冷用加味清胃散而  
消後仍不戒厚味腮腫赤痛焮連舌本先用瀉黃散而  
退次用加味清胃散而消

一小兒腮患瘡作渴飲湯飲食少思服敗毒散益甚余  
謂此胃經虛熱先用七味白朮散次用五味異功散而

渴止後因母怒兩腮赤腫作渴發熱用加味道遙散治  
其母兒患亦愈

一小兒十六歲腮患此三年不愈色黯下陷此胃經症  
也宜滋化源以生腎水外散寒邪以接陽氣不信妄用  
雜方元氣益虛七惡蜂起始信余言後用前藥果驗  
一小兒頰腫敷寒涼之藥色白腫硬久而不愈此

虛而寒邪凝結宜用蔥熨法以散寒邪其功散以助元  
氣遂愈若用攻毒之劑則誤矣

一小兒酷嗜甘味藥餌惟甘者乃服後患腮腫余知其胃症也經曰酸能勝甘當用酸味之藥遂以烏梅肉作丸甘草末為衣服至二兩許始惡甘味腮腫漸消

一小兒腮腫痛外敷鐵箍散內服寒涼藥日久堅硬其色不變夫藥之寒涼者外敷則氣色凝滯內服則脾胃有傷故氣血有虧而肉不潰色不赤也用四君子加柴胡升麻白芷當歸外散寒邪內補脾氣更用葱熨法不數日膿潰而愈

一小兒顯頰常焮腫服清熱敗毒之藥更口渴足熱面色微黑余謂腎疳症用六味地黃丸與子服母服加味逍遙散而愈後因別服伐肝之藥前症復作寒熱面青小便頻數此肝火血燥耳用柴胡梔子散以清肝六味地黃丸以滋腎遂痊

一小兒顯頰腫痛後耳內出膿久而不愈視其母兩臉青黃屬鬱怒所致朝用加味歸脾湯夕用加味逍遙散母子皆愈

一小兒顯間發熱手足並熱用清胃瀉黃二散而愈後  
頰間腫痛焮連耳內余謂此腎經所屬之地不信雜用  
降火之藥耳出膿水或痒或痛稍加用心即發熱倦怠  
兩腿乏力用補中益氣湯及六味地黄丸稍愈畢姻後  
朝寒暮熱形氣倦怠足心發熱氣喘唾痰仍用前二藥  
佐以六君子湯而愈後不守禁惡寒發熱頭暈唾痰余  
謂腎虛不能攝水而為痰清氣不能上升而頭暈陽氣  
不能護守肌膚而寒熱遂用補中益氣湯各加蔓荊子

附子各一錢不應乃用人參一兩附子二錢二劑而應  
乃用十全大補湯百餘劑而痊

一小兒先頰間腫痛用敗毒之藥耳中流膿項間結核  
兩目或連劄或赤痛小便或作痒或赤澁皆肝膽二經  
風熱用四味肥兒丸悉愈

一小兒顙頰腫痛服敗毒藥後耳出穢水余謂肝腎之  
症先用九味蘆薈丸而痊畢姻後面黃發熱服黃柏知  
母等藥而胸膈痞滿食少痰壅乃利氣化痰加噫氣下

氣用六君子補中益氣二湯加乾薑木香尋愈

一小兒顯腫搽石灰末久而不散余用四君子加升麻  
白芷及蔥熨之法漸消又用仙方活命一劑而瘡夫石  
灰乃辛熱燥血之藥小兒氣血虛者搽之反致難治慎  
之

一小兒顯間腫痛用鐵箍散敗毒散之類出膿久不愈  
面色鰲足心熱口舌乾余謂此稟腎水不足之虛症當  
補肺金滋腎水為主不信仍服前劑脾土益虛絕生氣



而歿

升麻防風湯治胃經實熱咽痛口燥腮癰等症

升麻

防風

黃柏

炒

茯苓

芍藥

炒

陳皮

各五分

連翹

當歸

各七分

右每服二錢水煎仍量大小用之

清咽利膈湯治心脾蘊熱或咽喉腮舌腫痛

玄參

升麻

桔梗

炒

甘草

炒

茯苓

防風

黃

芩

炒

黃連

炒

牛蒡子

炒

芍藥

炒

等各分

右每服一二錢水煎

東垣清胃散

方見  
腹癰

異功散

方見用敗  
毒之藥

地黃丸

方見作  
渴不止

即效葱熨法

方見  
流注

仙方活命飲

方見瘡  
瘍熱毒

臂癰

臂癰之症當分經絡所屬受症之因而治之上廉屬手

陽明經下廉屬手太陽經外廉屬手少陽經內廉屬手  
厥陰經內之上廉屬手太陰經內之下廉屬手少陰經  
或經絡熱鬱風邪外干氣血有乖即生癰毒若因心經  
有熱者導赤散加黃連心胞絡有熱者柴胡梔子散肺  
經有熱者瀉白散大腸經有熱者大連翹飲焮腫作痛  
者氣血凝結也用仙方活命飲腫痛不消者欲作膿也  
用托裏消毒散膿熟不出者氣血虛也用托裏消毒散  
膿出反痛者氣血虛甚也肌肉不生者脾胃氣虛也用

五味異功散不可外傳生肌散恐反助其邪而肌肉難長也

一小兒臂上生癰腫連肘間此屬手少陰三焦二經先用仙方活命飲殺其大勢次用柴胡清肝散以清心肝之熱諸症頓退又用托裏消毒散出膿而愈

一小兒臂外側患毒此屬肺經部分先用神效解毒散加桔梗二劑腫痛頓減次用托裏消毒散而膿潰將愈因母食炙燻之味患處復腫兼發熱咳嗽子服瀉白散

母服清胃散而痊

一小兒臂腕漫腫敷寒涼藥又常以冷水潤之腫熱徹上至肩兩月餘而潰四月餘不斂膿出清稀面色痿黃余曰此氣血虛不能充榮於肌肉也先用異功散加升麻柴胡脾胃漸健又用托裏散而愈

一小兒臂患癰久不愈手足時冷用異功散加木香佐以八珍湯手足溫和乃用托裏散將斂因飲食停滯傷脾患處腫硬用六君木香及托裏散而愈

一小兒腎癰久不愈潰出碎骨飲食少思不時寒熱膿水清稀此氣血俱虛也用八珍散加肉桂桔梗漸消又用托裏散加肉桂及豆豉而斂

一小兒臂膊赤腫發熱作渴飲冷症屬胃火先用加味清胃散而愈後因母食厚味復腫痛先用瀉黃散二服再用清胃散母子服之並愈

一女子臂瘡腫焮作痛用仙方活命飲痛止成膿用加味八珍湯而膿潰漸斂用加味逍遙散與母服而痊

一小兒因母食膏粱臂瘡潰而作痛脉洪數有力用清胃散與母服子服瀉黃散漸愈又用加味道遙散母子俱服而愈

一小兒臂瘡服敗毒散嘔吐腹脹作痛手足並冷用六君薑桂諸症漸退飲食漸進次用五味異功散而愈  
一小兒臂癰腫硬色白寒熱倦怠此血氣虛弱而不能潰散先用五味異功散加乾薑其腫漸退飲食漸進又用托裏散如聖餅膿潰而愈

一小兒患臂癰腫硬不消食少自汗此脾肺氣虛而不能潰先用六君子湯而汗止乃佐以葱熨法而膿成又用八珍湯而膿潰用托裏散而瘡斂

一小兒臂患瘡敷寒涼之藥腫硬不消用補中益氣湯加木香薄荷桂及如聖餅助其陽氣而消

一小兒臂患瘡腫硬作嘔面色痿黃飲食少思此脾氣虛也用六君子湯嘔止食進又用五味異功散如聖餅而消



一小兒臂瘡作痛不止肌肉不生先用托裏消毒散而痛止用五味異功散托裏散而肉生

一小兒臂患瘡久而不斂肌肉消瘦日晡體熱此脾氣虛而不能生肌肉也朝用補中益氣湯夕用五味異功散諸症漸愈又用托裏散如聖餅而愈

一小兒臂瘡腫痛焮赤右顯赤色傳服皆敗毒之藥余謂此肺胃二經之症也當用瀉黃瀉白二散主之不信恪用前藥泛擾諸經虛症蜂起而殁

神效解毒散治一切瘡瘍初起腫者即消已潰仍腫者即散已潰毒不解者即愈

金銀花

兩

甘草節

半兩

黃芪

皂角刺

炒

當歸

各三錢

乳香

沒藥

各二錢

右為散每服二錢酒煎溫酒調服亦可嬰兒病乳母亦服如瘡已潰腫痛已止者去乳末金銀花倍加黃芪甘草

白芷升麻湯治手陽明經分臂上生瘡

白芷 升麻

桔梗 各一錢

黃芩

酒炒

黃芪

炒各二錢

生黃

苓

五分

紅花

甘草

各五分

右水酒半鍾煎食後溫服

瀉白散治肺經有熱生瘡又化痰止咳治氣進食

地骨皮

桑白皮

炒各一兩

甘草

炙半兩

右為末每服一二錢入粳米百粒水煎

瀉心散治心經實熱生瘡作渴發熱飲冷手足並熱者

詳見心臟

瀉心湯

導赤散治小腸實熱生瘡作渴發熱小便赤

生地黃 木通 甘草

各等分

右為末每服一錢入淡竹葉水煎

大連翹飲即大連翹湯治肺熱生瘡

連翹 蘆麥 荊芥 木通 赤芍藥 當歸

防風 柴胡 滑石 蟬殼 甘草

炒

山梔子

黃芩

各等分

右為末每服二錢加紫草水煎服之大便不通量加

大黃

補中益氣湯

方見肌  
肉不生

加味道遙散

六味地黃丸

二方見發  
渴不止

十全大補湯

方見  
便癰

四味肥兒丸

方見貼  
胃癰

九味蘆薈丸

方見  
喉痺

柴胡梔子散

方見  
腹癰

東垣清胃散

方見  
腹癰

五味異功散

方見用敗  
毒之藥

托裏消毒散

托裏散

二方見熱  
毒瘡瘍

腋癰

謂癰生于脇之前膚之  
傍白者五下皆是也

腋癰

屬足少陽手少陰手厥陰三經小兒患之多稟賦

肝火所致初起先用活命飲次用柴胡梔子散五七日

間作膿焮腫作痛者亦用活命飲殺其大勢雖潰亦輕

而易斂若膿已成用托裏消毒散已出用托裏散如有  
變症當隨症治之

一小兒患前症腫痛用仙方活命飲而痛止用托裏消  
毒散而潰因母飲酒復加腫痛母服清胃散兒服活命  
飲托裏散而愈

一小兒患之因乳母恚怒所致子用仙方活命飲母用  
柴胡梔子散加味道遙散並愈後復患令母仍服前藥  
子服托裏消毒散而膿潰用托裏散而斂

一小兒腋下常患一枚此稟肝膽怒火也用牛黃解毒丸母服柴胡梔子散逍遙散而愈後每發即服前藥而愈或用荆防敗毒散外敷鐵箍散以杜後患幾至不救

一小兒十四歲患之內外皆用寒涼敗毒之藥腫硬作痛上連肩髀膿成不潰或用針之膿仍不出余曰此氣血虛甚當峻補之不信半載後肩骨潰解惟皮相連滲盡氣血而歿

一小兒患之恪服敗毒之藥久不潰色不變腫硬如石



余用葱熨之法及托裏散二十餘劑患處微赤作痛又數劑腫起針出穢膿氣息淹淹用人參一兩乾薑一錢棗子十枚四劑仍用前散尋愈

一小兒患之膿內潰久不出色不變亦不痛余謂氣血虛甚當先大補而用火針不信或用冷針膿果不出更氣喘自汗余用獨參湯二劑喘汗少止膿仍未出又二劑膿出甚多喘汗大作又用前湯四劑諸症悉退乃用八珍湯漸愈後因傷風咳嗽誤用表散之藥煩躁自汗

面目赤色脈洪大無倫按之如無此血脫發躁也先用當歸補血湯諸症頓愈再用八珍湯而安又飲食過多發厥手足並冷用五味異功散加升麻柴胡生薑一劑而愈

一小兒患之色黯不斂三年不愈用十全大補湯及豆豉餅三月餘將愈後勞倦怒氣腋下腫痛以加味逍遙散十全大補湯相間服之月餘而愈

豆豉餅治瘡瘍腫痛硬而不潰及潰而不斂并一切頑

瘡惡瘡用江西豆豉為末唾津和成餅大如銅錢厚如三四錢置患處以艾壯於餅上灸之灸乾則再易如瘡大作大餅覆患處以艾鋪餅上灸之未成者即消已成者祛毒間有不效者乃氣血虛敗之症也參疔瘡類灸法用之

四物湯治瘡瘍血虛發熱日晡益甚或煩躁不寐

當歸二錢 熟地黃二錢 芍藥炒 川芎各一錢

右水煎服

參朮柴苓湯治瘡瘍脾氣虛弱肝氣內動肢體抽動者

人參 白朮

茯苓

陳皮

各一錢

山梔

炒

鈎藤鈎

子

各七分

甘草

炒五分

柴胡

升麻

各三分

每服一二錢薑棗水煎嬰兒用大劑與母服子少服

之

黃連安神丸治心經血熱發熱驚悸不安

黃連

五分

生甘草

二錢五分

生地黄

半兩

當歸

硃砂

三錢

右為末飯糊丸小豆大每服十五丸滾湯下如二三

服不應當服歸脾湯嬰兒乳母並服

柴胡梔子散

方見脇癰一名柴胡清肝散

托裏消毒散

托裏散

二方見熱毒瘡瘍

清胃散

方見腹癰

加味逍遙散

方見發熱不止

牛黃解毒丸

方見胎毒瘡疥

十全大補湯

方見便癰

脇癰

脇肋者足厥陰少陽之經相火之司也乃木之主肝膽之氣不平則風火內搏榮逆血鬱熱聚為膿而癰腫之所由生也亦有稟賦母氣肝膽之熱恚怒之火而致然初患焮腫作痛者宜用柴胡梔子散未消者用仙方活命飲其熱既殺而腫不消者則必成膿也乃用托裏消毒散其膿既成以代針膏決之仍用托裏散自愈若膿出而痛止腫消則不必用藥也

一小兒四歲脇間漫腫一塊甚痛色如故服流氣敗毒等藥加寒熱作嘔食少作瀉此稟肝脾氣滯之症元氣復傷而甚耳乃擇乳母氣血壯盛者與加味歸脾湯加味道遙散服之兒飲其乳半載而消

一小兒左脇生瘡寒熱作嘔右關脉弦數此肝症傳於脾也先用柴胡清肝散次用五味異功散又用托裏散瘡斂而愈其時同患是症專用敗毒者俱致不起

一小兒左脇下生瘡漫腫色赤此肝膽經形傷氣也先

用托裏散消毒散加味小柴胡湯間服腫痛漸減又用托裏消毒散加味小柴胡湯瘡潰而愈

一小兒四歲患脇癰色赤腫痛肝脉弦而遲此肝膽經血虛有熱先用加味逍遙散數劑大熱已消中間成膿又用托裏消毒散加柴胡山梔膿潰而斂

一小兒肩患癰痛甚腫至背乃膀胱經部分血瘀滯也先用仙方活命飲毒解痛止又用加味小柴胡湯加連翹山梔金銀花其勢漸退乃用加味逍遙散加金銀花



黃芪漫腫悉消但中間不退此欲作膿也用托裏消毒散膿成而潰又用托裏散地黃丸補血氣滋腎水而痊一小兒患之久不愈左關脉弦數右尺脉按之而弱此稟腎虛而然也用地黃丸為主佐以八珍湯托裏散而愈

一小兒未朞脇間亦腫此稟肝火所致用加味逍遙散數劑與母服子日服數匙漫腫悉退佐以托裏消毒散加山梔柴胡瘡潰而愈後因母恚勞役子脇復腫赤

用加味逍遙散加味歸脾湯母子服之並愈

一小兒脇癰服敗脾之藥膿清不斂呵欠咬牙飲食少  
思仍欲伐脾余曰此脾虛之症也胃為五臟之主當補  
脾胃則肝不侮而肌肉自生矣不信仍伐肝木遂致不  
救

加味歸脾湯治小兒因乳母憂思鬱怒胸脇作痛或肝  
脾經分患瘡瘍之症或寒熱驚悸無寐或便血盜  
汗瘡口不斂等症

人參 茯苓 去木 黃芪 炒各一兩 甘草 炒 白朮 炒一錢 木香

五分 遠志 去心 酸棗仁 龍眼肉 當歸 牡丹皮

山梔 炒各一錢

右水煎乳母服兒亦服之

小柴胡湯治肝膽經分一切瘡瘍發熱潮熱或飲食少  
思加山梔牡丹皮加味小柴胡湯

柴胡 一錢五分 人參 五分 黃芩 七分 半夏 五分 甘草 炒三分

作三二服服薑棗水煎

柴胡清肝散治肝經風熱或乳母怒火患一切瘡瘍

柴胡 黃芩炒 人參 川芎各一錢 山梔炒一錢半 連翹

甘草各五分 桔梗炒八分

右水煎母子服之

梔子清肝散一名梔子柴胡散 治三焦及足少陽經風熱生瘡

或發熱耳内生瘡作痒或出水疼痛

柴胡 梔子炒 牡丹皮 茯苓 川芎 芍藥炒

當歸 牛蒡子炒各七分 甘草三分

右水煎母子並服

龍膽瀉肝湯治肝膽經有熱小腹脇間患瘡瘍或玉莖  
便毒懸癰囊癰腫痛或潰爛作痛小便澀滯或畢丸

懸掛

方見下  
疔陰痿

加味道遙散治小兒肝脾血虛內熱脇腹作痛頭目昏

黑怔忡頰赤口燥咽乾或發熱盜汗食少不寐或口

舌生瘡胸乳膨脹小便不利或女子患前症經候不

調發熱咳嗽寒熱往來等症

方見發  
熱不止

六味地黃丸治肝經血虛發熱或風客淫氣癰癥結核  
或四肢發搐眼目抽動痰涎上湧或傷損出血發熱

抽搐等症方見作渴不止

仙方活命飲

托裏消毒散

托裏散三方見熱毒瘡瘍

八珍湯方見發熱不止

腹癰

腹癰者患於臍下或傍二寸許屬脾經近脇屬膽經蓋因脾經陰虛氣滯血凝或因脾虛飲食積熱所患若焮腫作痛者瀉黃散堅硬腫痛者清胃散腫痛便秘者清涼飲如此而仍痛者瘀血凝滯也活命飲既用此藥而不消則內欲作膿也用托裏消毒散若膿出而痛不減者毒未解也亦用前藥若膿出而反加痛及膿水清稀者氣血虛也用參芪托裏散若食少體倦者脾氣虛也用五味異功散加當歸柴胡升麻晡熱內熱者脾血虛

也用四君當歸丹皮如有他症當隨症治之

一小兒患此漫腫微痛肉色不變面色痿黃飲食少思此脾氣虛而食積內熱也用五味異功散加升麻當歸及如聖餅其腫漸消又用托裏散而愈

一小兒患此腫痛寒熱活命飲未二服腫痛頓止用托裏散如聖餅而腫漸消又用神效散及托裏消毒散數劑而痊

一小兒患之內潰作渴飲食少思屬元氣虛弱先用托



裏消毒散四劑膿潰而發熱惡寒肢體倦怠此邪氣去而真氣虛也用八珍升麻補之稍愈又用托裏散異功散間服而痊

一小兒腹瘡大便秘結發熱飲冷此熱蓄於裏也用內疎黃連湯一劑大便通而痛止又用清熱消毒散內熱退而瘡愈

一小兒腹患瘡敷寒涼之藥其腫益甚腹中陰痛手足並冷此陽氣虛寒之症也余用回陽湯抑陰散而腫漸

消毒漸散又用托裏散而斂

一小兒患此膿成不潰面色黃白惡心少食發熱惡寒  
大便不實此脾胃虛弱也先用六君升麻柴胡諸症漸  
退飲食漸進又朝用益氣湯夕用異功散而潰又用八  
珍湯而愈

一小兒腹中作痛肉色不變三月矣胗其脉滑數而有  
力此腹癰內潰也用托裏散大便出膿甚多乃用薏苡  
仁湯及托裏散而愈

一小兒小腹赤腫服流氣敗毒等藥肉色如故食少體倦余謂此肝脾氣血虛而藥傷之也用六君肉桂及葱熨之法飲食漸進其腫漸消又佐以八珍湯而愈

一小兒患此而潰腫不消恪服敗毒之藥飲食少思膿清發熱余謂脾胃之氣復傷不信仍行氣清熱腫痛益甚服消導化痰之藥腹脹作瀉余先用異功散加升麻柴胡木香佐以二神丸二十餘劑諸症漸愈乃用異功散加當歸黃芪元氣漸復却用八珍湯內芍藥炒黃散

劑改用托裏散而愈次年因勞心發熱作渴用當歸補血湯而安畢姻後寒熱往來患處作痒用十全大補湯六味地黃丸而愈

四君子湯

加陳皮半夏  
即六君子湯

治脾胃虛弱或因寒涼傷胃致

腫不能消或潰而不能斂者但以此藥溫補脾胃諸症自退如誤用攻伐則七惡隨至矣若脾胃氣虛瘡口出血或吐血便血則加當歸脾胃充健則血自歸經若脾虛血弱不生肌或晡熱內熱者更加熟地黃

不可投四物沉陰之劑能傷脾胃也若胃氣虛弱尅伐傷脾飲食少思或食難化若作嘔作瀉者尤宜用之如兼痰嗽氣逆肢體倦怠面目浮腫者亦因脾虛不能生肺而然也最宜用之

人參 白木炒 茯苓 甘草各等分

右每服二錢薑棗水煎

清胃散 治脾胃有熱生瘡或胃火牙痛或連頭面

升麻五分 生地黃 牡丹皮 黃連炒 當歸各三分

右水煎服加柴胡山梔即加味清胃散

六君子湯治瘡瘍脾胃虛弱腫痛不消或不潰斂宜用  
此藥以壯榮氣諸症自愈即四君加半夏陳皮

清涼飲治瘡瘍脾胃實熱煩躁飲食焮痛脈實大便秘  
結小便赤澀

赤芍藥 當歸 甘草 大黃

各等分

右每服一錢水煎

當歸補血湯治瘡瘍肌熱面赤煩渴脈洪大而虛重按

全無此血虛脉也誤服白虎湯必死

方見發熱不止

益氣養榮湯治氣血損傷四肢頸項等處患腫不問堅

軟赤白痛否日晡發熱或潰而不斂者

方見鶴膝風

十全大補湯治諸瘡血氣虛不能潰腐收斂或膿出發

熱惡寒汗出煩眩口眼歪斜或肌瘦少食發熱口乾

等症須多服為善

方見便癱

參芪托裏散

方見瘰癧

補中益氣湯

方見肌肉不生

托裏消毒散

托裏散

二方見熱毒瘡癰

五味異功散

方見用敗毒之藥

如聖餅

方見流注

神功散

方見胎毒發丹

八珍湯

方見發熱不止

腎癰

腎癰屬膀胱經濕熱或稟賦陰虛若腫硬作痛用內托



羌活湯微腫微痛用托裏消毒散若初起大痛或五日  
之間似消不消似潰不潰者先用仙方活命飲後用托  
裏消毒散若已潰食少體倦瘡不生肌脾胃虛弱者用  
五味異功散加柴胡升麻稟賦陰虛小便數而不斂者  
加減八味丸氣虛久不生肌収口用豆豉餅及補中益  
氣湯培養元氣若用解熱攻毒及敷圍寒涼之劑則氣  
血受傷必成敗症矣

一小兒患此腫硬不赤旬餘矣面色痿黃飲食少進此

脾氣虛弱也先用異功散飲食漸進漫腫漸消乃用托裏散少加肉桂而潰又用八珍湯而斂

一小兒患此久不收斂四圍微黯瘡口黑色膿水清稀寒熱晡熱脈浮而數兩寸按之如無此陽氣虛而陰血弱也朝用補中益氣湯夕用異功散半載而愈

一小兒臀瘡潰而不斂面色時赤此稟肝腎陰虛也朝用八珍湯加五味子夕用加減八味丸諸症漸退又用托裏散間服而愈

一小兒臀瘡久不收斂肢體倦怠晡熱作渴此稟足三陰虛也用五味異功散加減八味丸漸愈又用托裏散而斂

一小兒臀癰久不生肌面色痿黃仍欲敗毒以收斂余曰脾主肌肉脾健則肉生遂朝用補中益氣湯夕用五味異功散及葱熨法脾氣壯肌肉生而愈

一小兒腫硬不消肉色不變此脾胃之氣虛怯不能運及患處耳朝用補中益氣湯夕用五味異功散以接虛

怯之氣月餘而消其時同患是症外敷寒涼之藥內服犀角丸者無不受害

一小兒十五歲久不愈發熱體瘦面白噯氣恪服消食清熱等藥余謂心火虛而脾氣弱也先用八味丸為主佐以六君子湯補中益氣湯尋愈畢姻後驛後患疽漫腫堅硬肉色不變手足時冷脉浮大按之微細兩寸為甚先用八味丸料四劑又用十全大補湯患處色正而

消

內托羌活湯治尻臀生癰堅硬腫痛

黃柏

酒製

羌活

各一錢

防風

當歸尾

藁本

各五分

肉

桂

連翹

甘草

炒

蒼朮

陳皮

各三分

黃芪

八分

右作二劑水一鍾入酒一杯煎空心服

仙方活命飲

托裏消毒散

托裏散

三方見熱毒瘡瘍

神效解毒散

方見臂癰

加味八味丸

方見作渴不止

八珍湯

方見發熱不止

葱熨法

方見流注

### 腿癰

腿癰之症所主之經不同而所治之法亦異發於內側者屬肝脾二經發於外側者屬膽胃二經漫腫堅硬者元氣虛弱也用內補黃芪湯腫勢高焮者元氣未虛也用內托柴胡黃芪湯外並用隔蒜熨法若瘀血凝結而

不消或不作膿者用活命飲血虛氣弱而不能潰及不生肌者用托裏散此其梗概云爾

一小兒內疔腫痛惡寒發熱此屬肝膽經分乃用神效解毒散加柴胡白芷二劑漫腫頓消惟中央一塊尚腫又二劑而成膿以托裏消毒散膿潰而愈

一小兒腿內側前疔患毒潰後腫硬色黯膿清不斂面色青黃此脾虛肝旺兼寒邪襲於患處也當壯元氣為主先用異功散加柴胡升麻及葱熨法脾氣漸復患處

漸愈佐以八珍湯豆豉餅而愈

一小兒腿內焮赤大腫發熱此血熱內鬱而欲為膿耳  
當先殺其大勢用隔蒜灸法灼艾試蒜熱移患處二十  
餘炷痛始減再三十餘炷腫漸消又用仙方活命飲瘡  
頭出水而愈

一小兒腿內側患此膿內潰惡心倦怠面色痿黃右關  
脈弦大按之微細此脾胃虛弱肝木所乘也先用六君  
升麻柴胡四劑元氣漸復乃佐以托裏散而愈



一小兒腿外側腫痛肉色如故用托裏消毒散二劑而腫始赤又四劑而腫赤亦退又六劑潰而膿出清稀食少體倦用異功散加芎歸仍用托裏散補其元氣而愈

一小兒漫腫堅硬肉色不變此陽氣虛而不能成膿也用托裏散如聖餅腫起色赤用托裏消毒散而膿成針之用八珍湯加肉桂漸愈因傷食吐瀉患處太白飲食少思先用六君乾薑次用八珍湯及葱熨法而愈

一小兒患此久不愈膿水清稀面色痿黃腹大青筋此

脾氣虛而肝所侮也。朝用補中益氣湯，夕用五味異功散。元氣稍復，乃佐以四味肥兒丸及葱熨之法。兩月餘而愈。

一小兒腿外膝腫一塊，服消毒之藥，其腫益甚，肢體羸瘦，飲食少思，更加作痛。余曰：先腫而後痛者，形傷氣也；先痛而後腫者，氣傷形也。當補接陽氣，不信仍投疏泄之藥，後果歿。機要云：榮衛之氣充滿，抑遏不能行，故閉塞氣血，腐而為癰者，當泄之以奪盛熱之氣。若人飲食

踈精神衰氣血弱肌肉消薄故榮衛之氣短促而瀉滯  
故寒搏腠理閉鬱而為癰者當補之以接虛怯之氣信  
矣

四味肥兒丸治肝脾不和患瘡瘍久不愈或兼疳症腹  
脹作瀉或食積脾肝發熱瘦怯遍身生瘡

黃連

炒

蕪荑

神麩

麥芽

炒各

等分

右為末水糊丸桐子大每服一二十九空心白滾湯

送下

附子餅治潰瘍氣虛不能收斂或風邪所襲氣血不能  
運於瘡口以致不能收斂者用炮附子去皮臍研末  
以唾津和為餅置瘡口上將艾壯於餅上灸之每日  
灸數壯但令微熱勿至熱痛如餅灸乾用唾津再和  
灸之以瘡口活潤為度

六君子湯治瘡瘍因脾氣虛弱不能生肌以致瘡口不  
斂若脾氣既充而瘡口不生肌肉者此寒邪所襲也  
更用豆豉餅或附子餅熨之

仙方活命飲

托裏消毒散

二方見熱毒瘡瘍

葱熨法

如聖餅

二方見流注

內托羌活湯

方見臂癰

五味異功散

方見用敗毒之藥

附子餅

方見腹癰

十全大補湯

方見便癰

補中益氣湯

方見肌  
肉不生

八珍湯

即四君  
四物

豆豉餅

方見  
腋癰

鶴膝風

鶴膝風者其腿漸細其膝愈麓狀如鶴膝是以名之此因稟腎經不足外邪所乘而患之初則膝內作痛外色不變伸屈艱難若一二月間焮腫色赤而作膿者可治腫硬色白而不作膿者難治初起者用大防風湯為主

佐以益氣養榮湯膿成者用補中益氣湯為主佐以大  
防風湯切勿用十宣流氣等藥若不潰不斂或發熱等  
症者須調補脾胃為善否則必變敗症矣

一小兒九歲患此作痛用葱熨法及大防風湯腫起色  
赤用仙方活命飲補中益氣湯間服腫漸消又以獨活  
寄生湯與補中益氣湯間服二三日用葱熨一次至兩  
月餘而消

一小兒患此大潰不斂體倦食少口乾發熱日晡尤甚

此脾氣虛甚也用補中益氣湯五劑以補元氣乃用大防風一劑以治其瘡如是月餘諸症悉退遂用十全大補湯佐以大防風湯而斂

一小兒患此潰而不斂不時寒熱小便赤澀此血氣虛也用十全大補湯加麥門冬五味諸症頓退乃去桂令常服佐以和血定痛丸而愈

一女子左腿作痛服流氣飲之類左膝腫硬頭運吐痰余謂此鶴膝風也其脉弦數而無力乃稟賦脾肝腎三



經之症此形氣病氣俱虛者當先調補脾胃為主不信  
仍攻邪氣諸症蜂起余先用五味異功散加升麻乾薑  
肉桂脾氣稍健又用異功散八珍湯而潰却間服大防  
風湯地黃丸而痊

一小兒兩膝漸腫傳服皆消毒之藥足脛赤腫此稟父  
腎氣不足用地黃丸八珍湯而消若用流氣敗毒等藥  
必致不起

大防風湯治鶴膝風腫痛不消或潰而不斂

牛膝酒炒 附子炮各一錢 白朮 羌活 人參 防風各二

錢杜仲去皮 川芎 肉桂去皮 黃芪炒 熟地黃自製

藥炒各一分 甘草一錢五分

右每服三五錢水煎仍量兒大小用之

益氣養榮湯治氣血虛弱四肢頸項等處患腫不問腫

潰日久不斂俱宜服之

人參 茯苓 陳皮 貝母 香附炒 當歸酒洗 川

芎 黃芪炒 熟地黃自製 芍藥炒各一錢 甘草炙 桔梗各五

分  
白木炒二錢柴胡六分

右每服二三錢薑水煎

獨活寄生湯

獨活 桑寄生 杜仲炒 細辛 牛膝酒洗去土 秦艽

茯苓 白芍藥炒 桂心 川芎 防風 甘草

人參 熟地黃 當歸各等分

右每服二三錢水煎空心乳母同服

八珍湯

方見發熱不止

十全大補湯

方見  
使癰


補中益氣湯

方見肌  
肉不生

和血定痛丸

葱熨法

上方見  
流注



薛氏醫案卷六十六

欽定四庫全書

子部

薛氏醫案卷六十七

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官庶吉士臣吳裕德

謄錄監生臣湯師錫

欽定四庫全書

薛氏醫案卷六十七

明薛己訂

保嬰撮要十二

肺癰肺痿

齊氏云肺癰肺痿因脾肺氣虛腠理不密外邪所乘或  
母食辛辣厚味遺熱於兒或兒有病過於汗下內亡津  
液虛火爍肺或服剋伐之藥虧損脾胃不能生肺金其

症惡風咳嗽鼻塞項強呼吸不利甚則四肢微腫咳唾  
膿血若吐臭穢胸中隱痛脉數而實者為肺癰咳唾涎  
沫脉數而虛者為肺痿惡寒喘嗽者寒邪內蘊也小青  
龍湯咳唾膿穢者肺癰內潰也桔梗湯竊謂前症若喘  
咳短氣者脾肺氣虛也五味異功散咳唾膿痰左尺脉  
數而無力者腎氣虛也六味地黃丸咳唾膿痰右關脉  
數而無力者脾氣虛也七味白朮散若發熱喘嗽唾膿  
不食者脾肺虛甚也難治大要補脾肺滋腎水為善仍審

五臟相勝乳母  
七情後症倣此

一小兒感冒停食吐瀉用疏利之劑咳嗽膿血此中氣  
復傷而變肺癰也用桔梗湯而愈後咳嗽吐血仍用前  
藥佐以異功散而痊

一小兒停食服瀉藥而變肺癰余先用異功散以救脾  
肺次用桔梗湯以治肺癰而痊

一小兒停食服尅伐之藥唾痰腥氣面赤氣喘此元氣  
復傷而成肺癰也用桔梗湯膿痰頓止翌日喘甚此脾



氣虛而不能生肺也用異功散加杏仁百合而愈後小便澁滯服八正散小便愈澁咳嗽吐痰面赤盜汗余謂肺氣虛熱前藥虧損真陰虛火鑠肺金而然用異功散以補脾土地黃丸以滋腎水遂愈

一小兒肺癰愈後咳嗽面色白或痿黃手足冷小便頻此因脾虛不能生金也服參蘇飲之類自汗盜汗昏憤發搐遺尿下氣手足如水面色青白此陽氣脫而虛寒也用人參一兩乾薑二錢大棗五枚米泔煎沸先灌一

盃將熟又灌二盃連用二劑而蘇更朝用補中益氣湯  
夕用異功散而愈

一小兒十五歲因勞傷元氣而咳嗽誤用表散之劑復  
傷肺氣成癰咳嗽膿血用桔梗湯為主佐以異功散膿  
漸少專用異功散膿止而愈後因書課過勞自汗時嗽  
服外感藥咳嗽益甚胸膈痞滿呼吸不利余謂脾肺之  
氣虛甚而然用參芪補脾湯而痊

一小兒咳嗽服參蘇飲而益甚右寸關之脈浮散余謂

此風傷皮毛熱傷血脉血氣稽留蘊結於肺而成癰也  
不信仍復表散唾咳膿血余曰此因肺虛不能攝氣脾  
虛不能攝涎耳當補脾土以生肺金又不信果歿

一小兒感冒咳嗽發散過度喘促不食痰中有血余用  
桔梗湯而愈後元氣未復大便似痢或用苓連枳實之  
類變漫脾風而卒

小青龍湯治傷風冒寒咳嗽喘急肺脹胸滿鼻塞流涕  
或乾嘔熱嗽或作渴或作噎或小便不利或小腹脹

滿

此仲景之法審有是症用之及時殊有良驗

麻黃

去節

赤芍藥

半夏

各七錢

細辛

乾薑

炮

甘草

炙

桂枝

各三錢

五味子

半兩

附子

二錢脈浮不用

右每服二錢水煎

桔梗湯治咳嗽膿血腥穢已成癰症

桔梗

炒

貝母

去心

知母

炒

桑白皮

炒

枳殼

各一錢

地骨

皮

瓜蒌仁

薏苡仁

杏仁

五分炒

當歸

黃芪

炒各一錢

五味子

杵

百合

炒各一分

防己

一錢

甜葶藶

炒五分

右每服二三錢水煎

升麻湯治肺癰膿血穢臭胸乳皆痛

升麻 桔梗炒 薏苡仁 地榆 條芩炒 牡丹皮

芍藥炒 甘草各等分

右每服二三錢水煎

排膿散治肺癰此方排膿補肺

黃芪鹽水拌炒 白芷 人參 五味炒研碎各等分

右為末每服一二錢蜜湯調下

射干湯治胃脘癰吐膿血

射干

去毛

梔子仁

赤茯苓

升麻

赤芍藥

一兩二錢

白朮

半兩

右每服三五錢水煎入地黃汁少許再煎服

人參平肺散治心火尅肺金傳為肺癰咳嗽喘嘔痰涎壅盛胸膈痞滿咽噎不利

人參

陳皮

甘草

地骨皮

茯苓

各一錢

知母

炒七分

五味子

炒

青皮

天門冬

去心四分

桑白皮

炒一錢

右每服二三錢

參芪補脾湯治肺癰脾氣虧損咳吐膿涎或中關不食

必服此藥補脾土以生肺金否則不治

人參 白朮

各二錢

黃芪

炒二錢半

茯苓

陳皮

當歸

各一錢

升麻

三錢

麥門冬

七分

五味子

枅四分

桔梗

炒六分

甘

草

灸三分

右作三服薑棗水煎

人參補肺湯治肺症咳喘短氣或腎水不足虛火上炎

痰涎壅盛或吐膿血發熱作渴小便不調

人參 黃芪炒 白朮 茯苓 陳皮 牡丹皮

當歸各一錢 山茱萸去 山藥各二錢 五味子杵 麥門冬

甘草炙各七分 熟地黃自製一錢五分

右薑水煎服

七味白朮散治中氣虧損津液短少口舌乾渴生瘡不喜飲冷或吐瀉後口乾或咳唾膿痰右關脉數無力者脾氣虛也最宜服之



人參 白朮 木香 白茯苓 甘草 藿香 各五

分 乾葛 一錢

右水煎服

五味異功散

六味地黃丸

參蘇飲

獨參湯

補中益氣湯

# 腸癰

孫真人云腸癰為病小腸重強按之則痛小便如淋時出汗惡寒身皮甲錯肚皮急腫甚者肚腹脹大轉側有水聲或透臍生瘡或膿從臍出或從大便而下蓋因飲食不節所致治法當診脉遲緊者未有膿也用大黃湯下之脉洪數者已有膿也用薏苡仁湯排之小腹疼痛小便不利膿壅滯也牡丹皮散主之若大便或臍間出膿者不治內經云腸癰為病不可驚驚則腸斷而死

故患是者其坐卧轉側理宜徐緩時少飲薄粥及八珍湯固其元氣庶或可生

一小兒患腸癰先用太乙膏後服牡丹皮散下膿而愈後因跌腹內作痛遍身皆赤良久身黯而殁蓋腸斷故也

大黃湯治腸癰小腹堅腫按之則痛肉色如常或焮赤微腫小便頻數汗出憎寒脉遲緊膿未成也急服之

大黃

炒

朴硝

各二錢

牡丹皮

瓜蒌仁

桃仁

去皮  
各

錢二

右每服二三錢水煎

薏苡仁湯治腸癰腹中痛煩躁不安或脹滿不食小便  
澀滯

薏苡仁 牡丹皮

桃仁

各三兩

瓜蒌仁

四兩

右每服四錢水煎

桃仁湯治腸癰腹中痛煩燥不安壅痛大便閉澀亦有  
繞臍生瘡者但用此藥無妨

桃仁 大黃炒 牡丹皮 芒硝 犀角鎔末 冬瓜仁

研各  
二錢

右水煎入犀角末服

牡丹皮散治腸癰腹濡而痛時下膿汁或下血

牡丹皮 人參 天麻 白茯苓 黃芪炒 薏苡

仁 桃仁 白芷炒 當歸 川芎 官桂 甘草

各五  
分 木香  
二分

右每服三五錢

仙方活命飲

方見熱毒瘡瘍

太乙膏

方見跌撲外傷

八珍湯

方見發熱不止

痔瘡

痔瘡之症或因稟受胎毒或膏粱食積或母食炙炒厚味所致腫痛者濕熱作痒者風熱便秘者火盛膿潰者血熱濕熱加味槐花散風熱秦艽蒼朮湯便秘清燥湯膿潰黃芪散薰洗則葱湯槐角五倍子等藥或真蒲黃

以猪脂調傅如有兼變之症參各門治之

一小兒患痔亦腫作痛用黃連解毒湯而痛止又用托裏清肝散及加味槐角丸而瘡愈

一小兒因飲食停滯發熱患痔大便不利腫痛寒熱不時發搐此脾氣傷而肝乘之也先用保和丸末二錢以柴胡山梔煎湯調服食消搐止又用四味肥兒丸數服而愈

一小兒十二歲不戒厚味醇酒不時作痛或大便秘結

小便滯澀用龍膽瀉肝湯治之而安後飲燒酒前症復發遍身色赤煩躁飲冷醋半鍾赤熱悉退腫痛頓減

一小兒因乳母食炙煇之物肛門腫痛用清胃散母子並服子又服四味肥兒丸而愈後因乳母恚怒胸脇作痛頓飲糖酒兒病復作發搐母先服加味小柴胡湯二劑次服加味逍遙散兒服四味肥兒丸而愈

一小兒肛門腫痛大便不通服大黃之藥腫痛益甚虛症並作仍欲攻瘡余曰此因脾氣復傷而然也用異功



散加升麻柴胡為主佐以加味槐角丸腫痛漸退又用黃連解毒湯而出膿用秦光蒼朮湯而瘡愈

一小兒肛門腫痛發熱飲水口臭氣熱此脾肺經實熱先用瀉黃散二服而熱退又用枳殼散而痛止用金銀花散而腫痛消後母食膏粱兒患復作母用清胃散而腫痛消

一小兒誤吞信石遍身發赤嘔吐煩渴肛門腫痛便秘飲冷服冷米醋一鍾赤暈立消腫痛頓止又用黃連解

毒湯金銀花散而愈

一小兒痔瘡不時腫痛服加味槐角丸而愈至十四而復作發熱體倦肛門堅腫用地黃丸八珍湯堅腫漸消血氣漸愈或間止藥餌勞役不節諸症仍作用前藥隨愈畢姻後肛門腫潰而串臀用補中湯地黃丸臀間漸愈或用追蝕等藥堅核雖消痛傷元氣瘡口不合余用八珍湯地黃丸兩月而斂後不守禁忌又且攻毒以至屢發元氣日虛而歿古人云善服藥不若善保養信夫

苦參散治痔瘡腫痛發熱

枳殼麩炒 黃連 大黃 甘草 荊芥 苦參 赤

芍藥 黃芩

右水煎薰洗

加味槐花散治腸風下血痔漏腫痛發熱便秘

槐花 熟地黃 白朮 青皮 荊芥穗 川芎

各二分 當歸身 升麻 各四分 枳殼麩炒 五分

右水煎服

秦艽蒼朮湯治痔瘡大便堅硬小便頻數內熱作渴

秦艽

蒼朮

各五分

澤瀉

皂角子仁

炒

防風

桃

仁

當歸尾

黃柏

山梔

炒各三分

右作二劑水煎服

清燥湯治大腸風熱血燥秘結不通痔瘡等症

生地黄

五分

山梔

五分

澤瀉

二分

麻子仁

研五分

川芎

羌

活

黃柏

黃芩

郁李仁

芍藥

當歸尾

甘草

各四分

右水煎服

黃芪散治痔瘡并一切潰瘍虛弱發熱

茯苓

黃芪炒

當歸

川芎

白芍藥

白芷

各五

分升麻

山梔

炒各二分

右水煎服

枳殼散治痔瘡腫痛或下血

枳殼

去穰  
麩炒

槐花

荊芥

皂角子仁

炒

蝟皮

炙各等分

右為末每服一錢滾湯下作丸亦可

加味槐角丸治症同前

槐角

炒

枳殼

麩炒

當歸

黃芩

皂角仁

炒

蝟皮

秦艽

白芷

各等分

右為末每服一二錢水煎服或蜜丸量兒大小服

又方治痔痛不可忍者

羊膽

一箇

冰片

五分

右以冰片為末羊膽塗之

丹石散治痔瘡熱痛如神

黃丹 滑石

各等分

右為末新汲水調塗日三五次

勝雪膏治痔瘡熱痛不可忍

片腦 鉛白霜

各三分

右為末好酒研成膏塗之隨手愈

又方用生栝蒌根研如泥猪油調塗

黃連解毒湯

方見作痛不止

托裏清肝散

方見囊癰

四味肥兒丸

方見貼骨癰

加味小柴胡湯

方見熱毒燥癰

加味逍遙散

方見發熱不止

龍膽瀉肝湯

方見下疳瘡

### 下疳陰痿

下疳陰痿皆屬肝火濕熱或稟賦肝經陰虛腫痛發熱者肝火濕熱也先用加味小柴胡湯再用龍膽瀉肝湯腫痛便赤者肝火陰虛也用加味逍遙散加龍膽草生



地黃潰而腫痛不消者小柴胡湯加芎歸黃芪潰而腫痛已消用四物湯加牡丹皮柴胡蓋肝屬木得雨露則森茂遇酷日則萎軟若誤謂虛寒投以熱劑輕則囊莖生瘡重則腐而難斂皆宜滋腎水生肝木清肝火故云肝氣熱則莖痿宗筋弛縱陰莖腫脹或出白液或痒痛裏急筋縮挺縱不收或精出便下此名筋疝俱肝火也黃宗伯季子初生時母棄於水逾日不死復收之遂成喘嗽頷腋臂股各結塊核潰而色紫悞觸之痛徹於心

服辛溫化毒等劑不應時已弱冠予曰初生喘嗽者形寒傷肺也既長而喘嗽者肝火刑肺也故結核俱在肝膽部分始用補中益氣湯後用九味蘆薈丸不月諸症悉愈此稟母之肝火而患也

一小兒下疳潰爛發熱作渴日晡尤甚此肝疳而脾氣虛也用補中益氣湯後用九味蘆薈丸諸症悉愈

一小兒二歲莖痿濕痒時出白津余以為肝火不信或與溫補腎經後陰囊焮腫莖中作痛余用龍膽瀉肝湯

六味地黃丸而痊

一小兒畢丸作痛小便赤澁寒熱作嘔此肝火濕熱不  
利用小柴胡湯加山梔車前子茯苓而愈

畢丸陰  
子也

一小兒畢丸腫痛小便黃澁寒熱作渴此肝火所致用  
小柴胡湯加山梔車前子并丸味蘆薈丸間服而消

一小兒陰莖腫痛腹內一塊或作痛或上攻小便不調  
此稟肝火為患用龍膽瀉肝湯丸味蘆薈丸愈後形氣  
消燦發熱作渴此肝火制脾土而然也用益氣湯蘆薈

丸異功散而安

一小兒陰莖作痒搔破出水小便赤澁此稟肝腎陰虛  
火動用龍膽瀉肝湯清肝經濕熱佐以地黃丸補腎肝  
陰虛而愈後乳母惱怒小便澁滯兩肋腫痛兒陰復痒  
驚搐困倦用異功散以補脾土用地黃丸以滋腎肝而  
愈

一小兒十五歲患下疳久不愈形氣骨立不時寒熱小  
便不調飲食少思此稟肝疳虛羸也朝用益氣湯以培

胃氣夕用地黃丸以滋腎水為主佐以九味蘆薈丸治疔而痊

一女子十五歲面青善怒體瘦作渴天癸未至不時寒熱口舌生瘡後患陰瘡濕痒無寐善驚此稟肝脾虛羸之變症也當先救脾氣遂朝用補中益氣湯夕用加味歸脾湯諸症漸愈却佐以九味蘆薈丸而痊

一女子十四歲稟肝經濕熱肌體消瘦寒熱如瘧下部患瘡先用加味小柴胡湯寒熱頓退但晡熱少食用加

味逍遙散為主以丸味蘆薈丸為佐而愈出嫁後前症仍作另用雜藥瘡口翻出如菌余用龍膽瀉肝湯加味逍遙散丸味蘆薈丸而愈

一小兒十五歲患下疳書課過勞即寒熱頭痛形氣殊倦腿足疲軟左關脉洪數左尺脉洪數而無力余謂此稟肝腎陰虛兼飲食勞役之症也宜先調補胃氣以滋化源不信或以為陰虛濕熱下流恪服四苓四物之類諸症益甚余曰陰虛謂脾經虛也脾為至陰以丁火為

母虛則宜補丁火以生己土腎屬水以辛金為母腎虛則宜補辛金生癸水也今因脾經陽弱而陰虛反用沉寒之劑復傷陽氣以絕化生之源欲保其不危難矣果歿

龍膽瀉肝湯治肝經濕熱不利下部生瘡兩拗腫痛或腹中作痛小便澀滯等症

龍膽草

酒拌炒黃

澤瀉

車前子

炒

木通

生地黃

酒拌

當歸

酒拌

山梔

黃芩

炒

甘草

各二分

右水煎食前服

加味小柴胡湯

即小柴胡加山梔牡丹皮

治肝膽經有熱下部濕瘡

寒熱晡熱潮熱等症

方見熱毒瘰癧

六味丸治肝腎陰虛下部生瘡或發熱作渴小便頻數  
或腎水不足而不能生肝木致血燥筋攣頷項肢節  
等處結核或潰而不能收斂或肝腎虛弱發熱盜汗  
肢體消瘦小便赤澀尿血下血或大小便牽痛氣短  
痰嗽吐血眩運耳聾口燥齒痛失音腰腿疲軟此皆



稟賦不足也

方見作渴不止

敷藥必致散治下疳腐潰作痛

輕粉

五分

黃連

黃柏

龍膽草

各一兩

右為末油調搽入片腦更效若用當歸膏調傳尤佳

如聖散治下疳腐久不愈

五倍子

二錢

片腦

一錢

黃連

半兩

蘆甘石

煨二錢

右各為末乾敷毒未盡者加黃連末

三錢

九味蘆薈丸

方見喉痺

加味清胃散

方見熱毒口瘡

聖愈湯

方見出血不止

補中益氣湯

方見肌肉不生

八珍湯

方見發熱不止

加味歸脾湯

方見脇癰

四君子湯

方見腹癰

仙方活命飲

托裏消毒散

二方見熱毒瘡瘍

便癰

附謂兩物小腹  
兩邊物中患之

便癰因肝火肝疔或稟肝經熱毒若初起腫硬作痛者  
先用龍膽瀉肝湯一二劑腫痛不減用仙方活命飲二  
劑五七日不減腫尚硬亦用前二藥各一劑如不消或  
更痛欲成膿也用活命飲一劑却用托裏消毒散加柴  
胡山梔一二劑若膿已成而不潰者血氣虛也用托裏  
消毒一二劑膿已潰而痛不止者毒氣不解也用活命  
飲一劑若膿已出而反痛者益氣虛也用內補黃芪湯

膿已潰而發熱煩躁者氣血虛脫也用當歸補血湯膿已潰而惡寒發熱者血氣俱虛也用十全大補湯膿已潰而惡寒者元氣虛也用補中益氣湯膿已潰而不生肌者脾氣虛也用六君子湯若稟賦怯弱或因飲食勞倦而為患者但用補中益氣湯加射干自消設使不分經絡不別虛實槩行攻伐虧損氣血則輕者難治重者必變瘵症甚至不起

一小兒腫痛色赤寒熱似瘡小便不通此肝經濕熱用

龍膽瀉肝湯一劑小便清利寒熱頓除又用加味逍遙散加龍膽草二劑腫痛悉退而愈

一小兒患此腫硬作痛小便澀滯先用龍膽瀉肝湯小便頓利又用活命飲一劑而消後復腫赤作痛此欲作膿也先用活命飲二劑殺其大勢却用托裏消毒散加柴胡山梔三劑以指按之腫隨指復起此膿已成也用托裏散一劑翌日針之膿出腫消再用托裏散而愈

一小兒患此服大黃等藥瀉而腸鳴腹腫硬痛少食此

脾胃復傷而變症也用五味異功散加升麻柴胡木香  
飲食漸進乃去木香加黃芪當歸數劑而膿成又用托  
裏散加皂角刺而膿潰乃去皂角刺倍用參芪而愈  
一小兒瘡勢已成用消毒之藥其腫散漫自汗發熱惡  
寒少食此氣血虛甚也用大補湯四劑針之膿出腫消  
却用托裏散八珍湯間服而愈

一小兒膿成不潰誤用大黃之類以下膿泄瀉不止腫  
硬色白腹痛欲嘔手足並冷此脾氣虛而復傷也用

異功散加升麻薑桂四劑乃去薑桂加歸芪二十餘劑  
膿潰而愈

一小兒潰後咬牙呵欠尋衣捻物此肝經氣血虛也先  
用八珍湯加鈎藤鈎五味子諸症頓愈又用托裏散及  
八珍湯而痊

一小兒潰後驚悸發搐呵欠咬牙此心肝二經氣血俱  
虛也先用補心湯安神丸虛症尋愈再用八珍湯托裏  
散肌肉漸生却用肥黃丸而瘡口斂

一小兒患此久不愈頭重胸滿飲食少思此稟脾胃虛弱也先用補中益氣湯加蔓荊子諸症尋愈次用八珍湯佐以五味異功散月餘瘡口漸斂仍用十全大補湯而痊

一小兒十五歲稟賦虛弱因勞役過度患此寒熱如瘧用補中益氣湯將愈惑於人言誤服大黃之藥吐瀉大作手足厥冷寒熱尤甚余用六君子加薑桂諸症稍愈但赤腫不消此欲作膿也又數劑後朝用益氣湯夕用



大補湯五十餘劑而痊

一小兒潰後腫硬肌肉不生瘡口不斂余欲滋其化源以生肝血不從仍伐肝清熱以致元氣日虛惡症蜂起而歿夫肺者腎之母脾者肺之母今既不滋肺腎以生肝木又傷脾土以絕肺腎之化源其不死者鮮矣

一小兒十四歲每飲食勞倦則惡寒發熱兩拗患腫余用益氣湯而愈彼惑於人言乃服大黃之類發搐口噤手足並冷良久少甦余用大料益氣湯數劑而安又二

十餘劑而愈

一小兒兩拗患腫小便澄白肢體消瘦發熱眼劄此稟  
肝火之症用龍膽瀉肝湯為主四味肥兒丸為佐各數  
服腫熱漸退改用四味肥兒丸為主龍膽瀉肝湯為佐  
又各數服將愈及用地黃丸而痊

一小兒兩拗腫痛小便不利或赤白濁此係肝火熾而  
脾氣傷也朝用補中益氣湯夕用地黃丸各數劑而愈  
後因過勞盜汗發熱兩拗仍腫用前藥佐以地黃丸而

愈

一小兒每勞則兩拘腫痛小便白濁夜間發熱此稟肝火脾虛而元氣下陷也用補中益氣湯清心蓮子飲後患下疳用四味肥兒丸加味逍遙散而愈

一小兒兩拘腫痛小便赤澁或兼澄白此肝脾疳症先用九味蘆薈丸數服諸症漸退次用四味肥兒丸二十餘服而愈

一女子兩拘腫痛小腹作痒小便赤澁發熱晡熱月經

不調先用加味小柴胡湯四劑腫漸消次用加味道遙散諸症漸愈佐以四味肥兒丸而痊

一小兒十四歲每飲食勞倦隨患寒熱兩物腫痛服大黃之類發搐口噤手足並冷良久少甦余用大劑補中益氣湯數劑而安又二十餘劑而腫痛愈

仙方活命飲治一切瘡瘍瘰癧毒未成即消已成即潰潰後腫痛不止元氣虛也當補之

穿山甲 白芷 防風 沒藥 甘草 赤芍藥

當歸尾 乳香 天花粉 貝母各一錢 金銀花

陳皮

各二錢

皂角刺

二錢

右每服二三錢酒水各一半煎服

清心蓮子飲治兩拘腫痛小便白濁夜間發熱日間安靜發熱口渴此肝火脾虛而元氣下陷也

黃芩

一錢

麥門冬

地骨皮

車前子

炒

甘草

各一錢半

石蓮肉

茯苓

黃芪

炒

柴胡

人參

各一錢

右水煎服

當歸補血湯治瘧毒已潰而發熱煩躁者此脾胃損傷  
或服峻劑致氣虛血脫肌熱大渴引飲目赤面紅日  
夜不息其脉洪大而虛重按全無此病多得於飢飽  
勞役者若誤服白虎湯者必死

當歸

三錢

黃芪

灸一錢

右水煎服

六一湯治同前

黃芪

灸六錢

甘草

灸一錢

右水煎服

秘旨安神丸治心血虛而腫中驚悸或便癰潰後發搐  
呵欠咬牙此心肝二經氣血俱虛也

人參

湯泡

半夏

炒

茯神

各一錢

當歸

酒洗

橘紅

赤芍藥

炒各七分

五味子

五粒

甘草

各三分

右為末薑汁糊丸芡實大每服一九薑湯下

補中益氣湯治稟元氣虛弱因勞而拘中作痛或患便  
癰寒熱口乾作渴宜此湯加射干主之如寒熱已退

而腫不消此欲作膿也宜用十全大補湯

方見肌  
肉不生

十全大補湯治稟元氣虛弱因勞患便癱或物中作痛  
服補中益氣湯寒熱退而腫不消散此血氣虛而不  
能成膿也宜服此湯已成而不能潰或已潰而不能  
生肌或寒熱不止自汗盜汗膿清不斂者但服此藥  
則元氣自復諸症自愈

白茯苓 人參 當歸 白朮炒 黃芪炒 川芎

肉桂去皮 白芍藥炒 熟地黃自製 甘草炙各  
等分



右每服三五錢薑棗水煎服

內補黃芪湯

方見發熱不止

龍膽瀉肝湯

方見下疳瘡

九味蘆薈丸

方見喉痺

四味肥兒丸

方見貼骨癰

補心湯

方見胎毒瘡瘍

六味地黃丸

方見作渴不止

加味小柴胡湯

方見熱毒瘰癧

囊癰

謂陰囊患癰

囊癰屬肝經濕熱或稟胎肝熱所致初起腫痛小便赤  
澀者濕熱壅滯也先用龍膽瀉肝湯如不消用仙方活  
命飲若腫痛數日不止欲作膿也用托裏消毒散若腫  
未潰而小便不利者毒氣壅滯也當分利之膿已成而  
小便不利毒氣未解也當針泄之膿出而反痛者氣血  
虛也當補益之若元氣無虧雖陰囊悉潰畢丸懸露亦  
不為害若乳母恚怒令兒患此者加味逍遙散肝經氣

血虛者八珍散加味柴胡山梔俱加漏蘆子母並服

一小兒小便澀滯腫痛寒熱此肝經濕熱也用龍膽瀉  
肝湯而消但內熱倦怠此兼脾氣虛弱也用四君子加  
柴胡山梔芎歸而愈

一小兒腫痛寒熱服尅伐之藥不能成膿用托裏清肝  
散而膿潰用托裏散而瘡斂後寒熱如瘧小便閉塞用  
小柴胡湯加山梔龍膽草車前子而愈

一小兒患此大潰痛甚煩躁飲冷此餘毒尚在與活命

飲二劑腫痛頓退又用四君柴胡山梔四劑諸症悉退  
及托裏散而痊

一小兒陰囊赤腫作痛針而膿出頓安忽發熱作渴此  
邪氣去而真氣虛也用聖愈湯及八珍柴胡山梔將愈  
因乳母恚怒復作用加味逍遙散加漏蘆母服其兒頓  
愈

一小兒陰囊母患赤腫必因其母恚怒及飲酒而發余  
審其因怒用加味逍遙散加漏蘆飲酒用加味清胃散

加乾葛神麩與母服之其兒隨愈

一小兒陰腫小便赤澁此稟肝經有熱也用加味小柴胡加漏蘆與母服子日飲數滴四劑而愈

一小兒患此腫硬不消發熱作痛大便不實飲食無味此消導過多而脾胃傷也先用異功散數劑元氣漸復又用托裏散加柴胡山梔而膿成針之膿出發熱惡寒此血氣俱虛也用大補湯加柴胡山梔寒熱頓止又數劑而漸愈後因勞發熱腫痛用益氣湯托裏散瘡口漸

斂而愈

一小兒十六歲患此膿清晡熱遺精盜汗此稟元氣虛甚也用大補湯地黄丸料各二十餘劑元氣稍復又各三十餘劑汗止熱退犯房事患處頓黯昏潰吃逆手足並冷此脾氣虛寒之惡症用獨參湯四劑而甦用大補湯加乾薑四分陽氣漸復乃去乾薑又二十餘劑而痊一小兒患此潰而腫硬不消服敗毒散傳寒涼藥肌肉不生瘡口開張膿清色黯自汗余謂非補脾則肌肉不

生彼欲速效乃外用生肌散反助其邪致生瘡肉填塞  
瘡口半載不愈余用異功散加當歸黃芪三十餘劑又  
用托裏散隔蒜灸而愈

一小兒囊癰出血久不愈左頰色青赤此心肝二經風  
熱而血不歸經也先用加味道遙散六味地黃丸清肝  
熱滋腎水而血止用托裏散而瘡愈

一小兒患前症膿清發熱久而不斂左頰青兩頤赤余  
謂稟肝腎陰虛而兩位青赤脾胃氣虛而膿清不斂當

補足三陰為善不悟泛用雜藥後果歿

一小兒患前症久不愈面赤皎白左頰為甚余謂前症屬肝木面白屬肺金左頰屬肝經乃金來尅木為賊邪况小便如淋乃肝腎二經氣絕也辭不治後果歿於金旺之日蓋肝為腎之子腎為肝之母設預為調補腎水必不致於危也

托裏清肝散

人參 黃芪炒 當歸 川芎 芍藥炒 白木 茯苓



苓 金銀花 白芷炒 甘草炒 連翹 柴胡各七分

山梔

四分

右每服二三錢水煎

錢氏蚯蚓散治腎子腫硬先用葱椒湯煎洗次以乾蚯蚓糞津唾調敷須避風冷濕地

世傳治小兒陰囊腫大用甘草煎濃汁調蚯蚓糞塗之  
立效

山藥膏治兩拗及小腹腫痛或痒用山藥研爛頻傳患

處乾則易之

補中益氣湯

方見肌  
肉不生

異功散

方見用敗  
毒之藥

八珍湯

加味道遙散

二方見發  
熱不止

活命飲

托裏散

二方見熱  
毒瘡瘍

加味小柴胡湯

方見熱  
毒瘡瘍

聖愈湯

方見出血不止

加味清胃散

四君子湯

二方見腹癰

地黃丸

方見作渴不止

足指凍瘡

附耳凍瘡

足指凍瘡因受稟虛怯故寒邪易乘氣血凝滯久而  
不愈則潰爛成瘡治法須壯脾胃溫氣血則死肉自潰  
良肉自生若骨脫筋連者宜急剪去否則毒延脚面而

死蓋肢末之處氣血難到又為外邪遏絕則氣血不能  
運行若用湯盪火烘其肉即死而不仁至春必潰腐脫  
落元氣無虧雖患無害如外傳寒藥內服消毒之劑則  
元氣受傷必成敗症凡初凍時熱手頻熨之為妙北方  
凍耳若誤以手觸之其耳即落大寒能裂膚墮指信矣  
一女子數歲值嚴寒北上因失所恃而足受冷侍婢用  
熱湯泡之至春月房中穢氣其父覺之脫襪方見十指  
俱爛但未墮耳子用托裏之劑助其陽氣潰脫以保其

生

一小兒仲冬嚴寒兩耳受凍不知痛痒令人以熱手徐徐熨內用溫補脾氣之劑及敷白薇散而愈

一小兒七歲冬間足指凍痛用熱湯浸洗至春潰脫瘡口不斂足跌腫痛余謂此元氣虛弱須補胃氣以生肌肉不信乃用寒涼消毒之劑腫消黑色自以為愈余曰此脾胃虛極元氣不能運及惡處也後兩腿羸細而歿一小兒撲傷足跌少許速成凍瘡作痛不止用火烘之

肉死至春足脫膿水淋漓不能收斂而殁此症若能調養脾胃使元氣不傷則肌肉自生豈至於死哉

### 白薇散

白薇

一兩

黃柏

炒黑  
五錢

右為末乾搽患處

### 湯火瘡

湯火之症若發熱作渴小便赤澀者內熱也用四物加山梔連翹甘草若肉未死而作痛者熱毒也用四君加

芎歸山梔連翹若肉已死而不潰者氣血虛也用四君加當歸黃芪外傳當歸膏或柏葉末蠟油調搽至白色其肉自生若因煙薰將死者以生蘿蔔汁灌之即甦若飲食後被湯火所傷發熱腹脹惡食發搐變症者當參食積驚搐門治之

一小兒火傷兩臂焮痛大便不利小便赤澁此火毒蓄於下焦也用生地黃當歸芍藥木通山梔赤茯苓生甘草一劑二便調和而痛止更以四物加山梔參芪白芷

甘草而壞肉腐又數劑而新肉生

一小兒火傷足脛專用敗毒之劑膿水淋漓日晡腫脹此脾虛下陷也用補中益氣湯及八珍湯而愈

一女子沸湯傷胸兩月不斂脉洪大而虛發熱作渴此陰虛火毒所乘用四物加柴胡丹皮熱渴頓止用加味道遙散腐肉去而新肉生

一女子被烟薰痰氣上壅不省人事用蘿蔔汁灌之而甦但體倦欲睡仍令禽蘿蔔汁乃服六君子湯加桔梗



山梔而安傷輕者以蘿蔔搗汁飲之亦可

一小兒火傷臀間誤用生肌散陰囊潰脫久而不愈此助其藥毒而然也余用當歸膏及四君子加芎歸旬餘肉生而痊

一小兒火傷其足用冷水浸之腫痛益甚服敗毒藥死肉不潰此脾胃氣傷而血滯也用六君子加芎歸而愈後因勞役寒熱以八珍散加升麻柴胡白芷而痊

一小兒火傷腿用寒涼之藥久不愈腿細筋攣食少晡

熱此因生肌藥助其邪寒涼損其胃也用益氣湯當歸膏不月而愈

一小兒熱湯傷足久不愈膿水清稀口乾足熱患處腫黯晡熱盜汗肢體骨立此稟腎氣虛弱寒藥傷脾而然用益氣湯地黃丸三月餘佐以托裏散如聖餅而愈

一小兒沸湯傷腿搽藥結痂難於屈伸痛不可忍用四物加白木茯苓及當歸膏而愈

一小兒沸湯所傷胸腹皆潰久而不愈喜脈弱按之而

有力蓋脾主肌肉當調補脾胃為主外敷之藥當緩不信恪用敷貼之而歿

一小兒湯傷脛潰而色赤如赭日晡熱甚右關脈浮而數按之則弦此肝木乘脾土血虛而然耳乃外傳內服皆於攻毒後果歿

神效當歸膏治湯火等瘡不問已潰未潰肉雖傷而未壞者用之自愈肉已死者用之自潰新肉易生搽至肉色漸白其毒始盡生肌最速蓋當歸生地黃麻油

二蠟皆主生肌止痛補血續筋與新肉相宜此方余  
已刊行治者多驗

當歸

生地黄

各一兩

麻油

四兩

黃蠟

一兩如白者  
止用半兩

右先將當歸地黃入油煎枯去渣將蠟熔化候冷攪  
勻即成膏矣用塗患處將細紙蓋之發背癰疽杖瘡  
潰爛用之尤效凡死肉潰爛將脫止有些須相連者  
宜用利刀剪去蓋死肉有毒去遲則傷新肉矣死肉  
去盡尤宜速貼蓋新肉最畏風寒不可忽也

乳香定痛散治傷損及一切瘡瘍潰爛疼痛

乳香

沒藥

各五錢

滑石

一兩

冰片

一錢

右為細末搽患處痛即止甚效

猪蹄湯治一切癰疽杖瘡潰爛消腫毒去惡肉潤瘡口

白芷

黃芩

當歸

羌活

赤芍藥

蜂房

多

兒者為佳

生甘草

各半兩

右用猪蹄一隻水四五碗煮熟去油查取清湯入前

藥煎數沸去查溫洗隨用膏藥貼之

四物湯

方見  
脇癰

六君子湯

方見  
腸癰

如聖餅

方見  
流注

翻花瘡

翻花瘡者由瘡瘍潰後肝火血燥生風所致或瘡口肉突出如菌大小不同或出如蛇頭長短不一治法當滋肝補氣外塗藥蘆膏蝟肉自入須候元氣漸復膿毒將盡塗之有效不然雖入而復潰若誤用刀針蝕藥炎

灼其勢益甚或出血不止必致寒熱嘔吐等症須大補脾胃為善

治驗

一女子臂癱潰後瘡口突肉如菌用毒藥蝕之突肉益甚面青寒熱經候不調此肝經血燥而生風脾氣虛而不能生肌耳先用加味逍遙散五味異功散兩月餘却用地黃丸托裏散而愈

一小兒患前症用藥腐去瘡口不斂朝惡寒暮發熱余

謂因氣血俱虛而然也法當調補脾胃則氣血自生瘡口自斂不悟仍攻其瘡而歿

一女子十五歲患前症腐去而復生面色青而或赤余謂此肝膽二經風火妄動蓋肝血為陰為水肝氣為陽為火宜生腎水滋肝血使火自息而風自滅不信乃用祛風之劑致血燥妄行瘡口出血不止而死

藜蘆膏治瘡口筋凸起或出二三寸肉者

藜蘆

不拘  
多少



右為末以生豬脂搗和搽凸髑肉上

八珍湯

加味逍遙散

二方見發熱不止

補中益氣湯

方見肌肉不生

托裏散

方見熱毒瘡瘍

十全大補湯

方見便癰

五味異功散

方見敗毒之藥

地黃丸

方見作渴不止

豆豉餅

葱熨法

二方見  
流注

多骨疽

多骨疽由瘡瘍久潰脾胃虧損氣血不能營於患處邪氣陷襲久則筋爛骨腐故骨脫出非稟胎所有也當補脾胃壯元氣內用大補湯地黃丸外以附子餅葱熨法祛散寒邪補接元氣則骨自脫瘡自斂若用剋伐之劑復傷真氣鮮有不危嬰兒患之當調補乳母外用葱熨

以歲月除之尤不可用追蝕之藥

一小兒足內患之日流清膿惡寒發熱大便去而不了皆元氣虛而下陷也先用補中益氣湯加乾薑肉桂諸症漸復乃用十全大補湯及如聖餅出碎骨而愈

一小兒臂患之時出清膿惡寒發熱此元氣虛也朝用補中益氣湯夕用四君歸芪半載常出細骨一塊又用六味丸而愈

一小兒患之目睛白多飲食難化手足並冷此稟命門

火衰而脾胃虛寒也先用八味丸異功散如聖餅出碎  
骨乃用六味丸大補湯而愈若攻瘡邪不固元氣必不  
活矣

一小兒十四歲閃足腕間服敗毒之劑腫硬色黑余謂  
此元氣虛而外寒凝滯也用回陽膏六君肉桂十餘劑  
腫黯漸消又用冲和膏托裏散餘腫漸軟又佐以大補  
湯針之出清膿甚多即惡寒發熱此陽隨陰散而氣虛  
也用六君加肉桂參芪各二錢寒熱頓止却用八珍湯

托裏散豆豉餅而愈

一小兒足跗腫硬肉色不變形氣倦怠外傳內服皆敗  
毒耗氣之藥余謂經云形傷痛氣傷腫乃稟賦足三陰  
虛羸之症也當滋補元氣若行攻伐虛虛之禍不免矣  
彼以為迂仍用前藥足跗變黯腫至腳腕余用大補湯  
異功散各五十劑以調補脾胃及葱熨患處祛散寒邪  
補接陽氣漫腫漸消瘡變赤色旬日而潰此元氣漸復  
之善症也然固元氣充實瘀肉可腐新肉可生又惑於

速效之說傳追蝕生肌之藥患處復黥七惡並臻而歿

十全大補湯

方見  
腹癰

補中益氣湯

方見肌  
肉不生

八珍湯

方見發  
熱不止

托裏散

方見熱  
毒瘡瘍

如聖餅

葱熨法

豆豉餅

三方見  
流注

冲和膏

一名陰陽散方  
見寒涼之藥

八味丸

即六味地黃丸加肉桂附  
子各一兩方見作渴不止

漏瘡

漏瘡之症因稟氣血不足或久病血氣虛弱或兒肝脾食積內熱不能生肌或乳母七情不和脾氣不能收斂當審其所因調補元氣佐以如聖餅葱熨之類為善若用流氣破血追蝕等藥反為敗症矣餘當參各門主之一小兒患在臂間腫硬不消面色痿黃膿水清稀此元

氣虧損之症用八珍湯為主六君子湯為佐漸愈因飲食失節惡寒發熱用六君子加升麻柴胡而安用益氣湯異功散而斂

一小兒腿內側患之寒熱發渴此肝脾二經氣血虛症也蓋胃為五臟之本先用五味異功散加升麻柴胡月餘胃氣始復乃用地黃丸補腎水以生肝血而愈

一小兒臂間漫腫按之至骨方痛肉色不變形體消瘦面目多白余謂此稟腎經虛症當補脾肺以滋化源反



用寒涼尅伐之藥脾氣大虛患處肉死又用追蝕之藥  
死肉雖去瘡口不斂而歿

一小兒四歲尚解顱余用地黃丸而顱闔至十六頤間  
腫硬發熱唾痰余謂屬腎經氣不足水泛而為痰氣傷  
而為腫不信反用火針敗毒破而出水余曰腎主骨骨  
而為癱元氣虧敗余何能為後果歿惜哉

一小兒患在臂外側瘡口開張腫硬色黯發熱惡寒手  
足時冷此少陽經陽氣虛寒不能生肌収斂也當助胃

氣不信仍行攻瘡而歿

一小兒十五歲足跟患之二年不愈日出清膿數滴余謂稟腎氣虛弱也不信畢姻後腫硬寒熱仍用攻伐之藥而歿

如聖餅

葱熨法

二方見流注

八珍湯

方見發熱不止

六君子湯

方見腸癰

補中益氣湯

方見肌  
肉不生

六味地黃丸

方見作  
渴不止

### 五瘤

經云肝主筋心主血脾主肉肺主氣腎主骨故云肝為筋瘤心為血瘤脾為肉瘤肺為氣瘤腎為骨瘤小兒患之多因稟賦不足乳母七情起居飲食失調致兒五臟不和內火沸騰血凝氣滯也夫瘤者留也隨氣凝滯臟腑受傷氣血不和所致五瘤之外更有脂瘤粉瘤虱瘤

蟲瘤髮瘤之類若行氣破血或傳寒涼追蝕之藥或用  
蛛絲纏先花線等法以治其外則誤矣

一小兒因乳母鬱怒臂前腫硬皮色如常日出膿水  
乃脾經之虛症也用加味歸脾湯如聖餅三月餘腫漸  
消後因母怒發熱兒患處復腫用加味逍遙散母服二  
十餘劑兒日服杯許亦腫漸退仍以前藥久服而愈  
一小兒頭後患之久不斂目睛多白此稟腎虛之症母  
子並服六味丸補中湯外以六味丸料加鹿茸作餅熱

尉患處每日一次而斂

一女子眼外腫一瘤寸許色赤破而血逆漂甚多發熱作渴先用當歸補血湯渴熱漸愈又用加味道遙散瘡口尋愈

一小兒落草大腿外股如指尖一塊肉色如常按之痛至數月誤觸破出如粉漿內股焮痛寒熱如瘡手足抽搐如急驚狀此膿水出多氣血虛而内生風也先用異功散加鈎藤鈎二劑又用八珍湯加鈎藤鈎而安用

托裏散而痊

一小兒二歲頃間自分娩有一核余謂但調治乳母其  
兒自愈彼欲速效外塗牡蠣硝黃之類內服海藻蓬朮  
之類脾胃復傷而歿

一小兒九歲頃間患之余謂稟腎肝血燥所致當滋水  
生木不信另用藥破之膿水淋漓仍服散怪之藥而歿  
一女子腿前腫一小瘤作痒搔破出蟲如蚊而飛去寒  
熱如瘡乃肝經之症即虱瘤之類用加味道遙散而愈

又有一種髮瘤破開有髮屬腎經之症也

加味歸脾湯

方見  
腹癰

地黃丸

方見作  
渴不止

加味逍遙散

八珍湯

二方見發  
熱不止

托裏散

方見熱  
毒瘡瘍

補中益氣湯


方見肌  
肉不生

五味異功散

方見敗  
毒之藥

如聖餅

方見  
流注





薛氏醫案卷六十七